

VIGO

# O Outono Fotográfico inaugúrase con Xaquín Rosales



Dúas das fotografías da exposición inaugural de Xaquín Rosales.

O festival estrea espazo en El Halcón Milenario que se suma nesta edición á rede do festival

A.B. VIGO  
abaena@atlantico.net

■ ■ ■ O Outono Fotográfico consolídase en Vigo como unha cita do calendario cultural. O festival volve contar coa cidade como unha das súas sedes. Juan Adrio, Iria Vázquez, David Catá, Eva Díez e Rubi Lebovitch forman parte dos autores invitados a mostrar o seu traballo este ano. En canto á exposición inaugural correrá a cargo de Xaquín Rosales, con quen se incorpora un novo espazo a rede viguesa do festival. Así, o piso contenedor de iniciativas artísticas, El Halcón Milenario acollerá a proposta do artista de Vilagarcía, "Esquenzo". Seguindo coa filosofía da sala, ubicada na rúa Cervantes, 18, 1º, a mostra, que se inaugurará o 25, só abrirá os venres e sábados, comenzando polos desta semana e prolongándose ata o 11 de novembro, nun horario nocturno, de 20.30 a 23.30 horas. A montaxe está composta por 41 fotografías con formatos que oscilan entre tamaños 126x87 a 13x13.

Para o autor, a xustificación de "Esquenzo" pode atoparse no seu anxeo de ser feliz: "pero o caso é que necesito esquencer, por este motivo tomei estas fotografías, as flores artificiais que moitas persoas depositan nos lugares onde permanecen os restos dos seus mortos; estas flores reflicten o paso do tempo mediante o seu envellecemento e para min, canto máis vellas, supóñome que o esquenzo forneceu máis efecto", afirma.

Para a súa comisaria, Rita Ibarretxe, "Xaquín es un caminante incansable, curioso, y observador, que imprime a sus trabajos una gran coherencia estilística, donde no falta ni la naturalidad ni una visión siempre abierta".

A dirección do Outono Fotográfico fará pública este xoves e na propia sala de El Halcón Milenario, a programación completa prevista para a cidade. ■



@oscargil\_garcia (España)  
Faro de Punta Nariga (Malpica de Bergantiños-A Coruña)

Seguir

331 Gústame  
12 de xaneiro do 2017

## #DámeGalicia

A min dáme guías, dáme aventura. Dáme rutas, paseos e historia. Dáme sinais do mar.  
Dáme un faro que me leve a outro faro. Dáme días percorrendo a costa, praias e mar aberto.  
Dáme faros da fin do mundo. A min dáme luz... Dáme Galicia!



galicia.es

galicia  
o bo camiño